



Broj: 01-173/13
Vareš, 20.06. 2013. godine

Z A P I S N I K
s 8. sjednice Općinskog vijeća Vareš,
održane 30.05. 2013. godine

Zdravko Marošević – predsjedavajući Općinskog vijeća Vareš, otvorio je 8. sjednicu s početkom u 09,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Zdravko Barkić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

Odsutni – Nema.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, ispred Službe za civilnu zaštitu – Ismet Kozlić, ispred Službe za privredu i finansije – Senad Mahmutović, poslanik u Skupštini ZDK – Fahrudin Brkić, predsjednici političkih stranaka, ispred JKP d.o.o. Vareš direktor – Zafer Kamenjaš i predsjednik Skupštine – Grga Vukančić, ispred JP Vareš-stan d.o.o. Vareš direktorica – Željka Petrović i predsjednica Nadzornog odbora – Ružica Adanalić, ispred JP Veterinarska stanica d.o.o. Vareš direktor – Suljo Abadžija, predsjednica Skupštine – Jadranka Radoš i predsjednica Nadzornog odbora – Mevla Alić, ispred JU Dom zdravlja Vareš direktor – dr. Anto Jelić i predsjednik Upravnog odbora - dr. Edhem Aščerija i OSCE Terenski ured Zenica – Johanna Kisielak i Dragan Vuković.

Sekretar OV Leon Pavlović izvijestio je Vijeće o realizaciji Zaključaka sa 7. sjednice OV održane 25.04.2013. godine. Na 7. sjednici OV donesena su tri (3) Zaključaka i postavljeno je dvanaest (12) vijećničkih pitanja. Od tri (3) Zaključka, jedan (1) Zaključak je realizovan, dok su dva (2) Zaključka u toku realizacije. Na jedanaest (11) postavljenih vijećničkih pitanja, nadležni su dostavili pismeni odgovor podnosiocima pitanja, na jedno pitanje vijećnika Zdenka Franjić, čeka se odgovor od JP Pošte, vezano za isplate penzija.

Općinski načelnik Avdija Kovačević u okviru aktuelne problematike na području općine Vareš za današnju sjednicu nije imao obraćanja.

Predsjedavajući OV pozvao je vijećnike koji su dobili odgovore na postavljena vijećnička pitanja na 7. sjednici OV, da se izjasne o istim. Nije bilo prijava.

(Vijećnička pitanja)

Boško Andrić

1. Traži od nadležne Službe da riješi problem koji se odnosi na ulaz vozila za građane u ulici pored MSS „Nordabat 2“? O postavljenom pitanju dao je i obrazloženje.
2. Traži od nadležne Službe da pristupi postupku uklanjanju dva objekta (šupe-drvarnice) u naselju Korovinjići, koje se nalaze neposredno uz objekat K-1? O postavljenom pitanju dao je i obrazloženje.

Emir Islamović zahvalio se na dostavljenom odgovoru i zatražio da ubuduće odgovore-analizu vode, JKP d.o.o. Vareš, dostavlja i mjesnim zajednicama.

Goran Selak

3. Traži od nadležne Službe da se pristupi postupku rušenja i uklanjanja zgrade koja se nalazi uz regionalni put R-444 u Vareš Majdanu (ispod spomenika NOR-a preko puta Željezare), jer predstavlja opasnost za prolaznike i učesnike u saobraćaju? O postavljenom pitanju dao je i obrazloženje.

Zdenko Franjić

4. Zašto se ne postave saobraćajni znakovi na lokalnim cestama u seoskim mjesnim zajednicama? O postavljenom pitanju dao je i obrazloženje.

Safeta Muftić

5. U ime građana postavila je pitanje: Da li Općinski načelnik, sa svojim autoritetima, u saradnji sa vlasnicima privatnih pilana i rukovodiocem PJ Šumarija Vareš, može isposlovati nekoliko klupa koje bi se postavile u naselju Pruga? O postavljenom pitanju dala je i obrazloženje.
6. Ispred mještana naselja Selište (naselje ispod Gašine stijene), traži od nadležnih u Općini Vareš da se pristupi postavljanju barem dvije sijalice na betonske stubove za rasvjetu, koji su postavljeni nakon uklanjanja drvenih stubova? O postavljenom pitanju dala je i obrazloženje.

Predsjedavajući OV stavio je na raspravu Zapisnik sa 7. sjednice OV.

Nije bilo primjedbi i predsjedavajući OV stavio je na izjašnjavaње Zapisnik sa 7. sjednice OV i nakon izjašnjavaња vijećnika konstatovao da je **Zapisnik sa 7. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 8. sjednicu OV.

Za riječ se javio vijećnik Kenan Kamenjaš i predložio da se tačka 11. „Izveštaj o zdravstvenom stanju stanovništva i organizaciji zdravstva na području općine Vareš u 2012“. godini razdvoji na dva dijela i o njemu raspravlja pod dvije tačke dnevnog reda, tako da 11.

tačka bude „Izveštaj o zdravstvenom stanju stanovništva i organizaciji zdravstva na području općine Vareš, a drugi dio Izveštaja da bude tačka 12. „Izveštaj o finansijskom poslovanju JU Dom zdravlja Vareš za period I-XII/2012. godine.“ O predloženom prijedlogu dao je i obrazloženje u kome je podsjetio da Izveštaj o zdravstvenom stanju stanovništva i organizaciji zdravstva na području općine Vareš u 2012. godini nije dostavljen kao ni razmatran na Kolegiju OV, jer Javna ustanova nije blagovremeno dostavila Izveštaj u Službu Vijeća.

Vijećnik Elvir Rožajac izjavio je da se ne slaže sa prijedlogom vijećnika Kenana Kamenjaš, jer se Izveštaji drugih Javnih preduzeća i Javnih ustanova o kojima raspravlja Vijeće ne razdvajaju prilikom razmatranja. Također je izjavio da prilikom rasprave na današnjoj sjednici, neće učestvovati u raspravama o tačkama dnevnog reda, nego će se samo izjašnjavati prilikom glasanja.

Vijećnik Mario Mirčić izjavio je da prijedlog Kenana Kamenjaš u principu može podržati, ali da na današnjoj sjednici, Vijeće razmatra Izveštaj kao jednu cjelinu, a da Vijeće zauzme stav o tome kako će se ubuduće raspravljati o ovakvim Izveštajima.

Predsjedavajući OV je izjavio, na osnovu prijedloga i rasprave o istom, da će dati pauzu kako bi se Klubovi vijećnika konsultovali, jer ovakvog prijedloga nije bilo ranije na Vijeću.

Vijećnik Đemo Kevrić izjavio je da Klub vijećnika BPS neće podržati predloženi prijedlog vijećnika Kenana Kamenjaš, a da se za naredni period može dogovoriti kako će se raspravljati o Izveštajima.

Predsjedavajući OV predložio je da se o Izveštaju može raspravljati kao o jednoj tački dnevnog reda, s tim da se Izveštaj razdvoji na dva dijela (dio a) i dio b)).

Predsjedavajući OV dao je pauzu u trajanju od 5 minuta, u vezi dogovora oko utvrđivanja dnevnog reda i rasprave o tački 11.

Nastavljeno je sa radom današnje sjednice.

Za riječ se javio vijećnik Mario Mirčić i iznio stav ispred Hrvatske koalicije HDZ-HSS-NHI, da ne podržava predloženi prijedlog izmjene dnevnog reda da se tačka 11. razdvoji na dva dijela i o njoj raspravlja pod dvije tačke dnevnog reda, a da se za ubuduće Vijeće dogovori o metodologiji dostavljanja svih Izveštaja.

Za riječ se javila vijećnica Safeta Muftić i iznijela stav Kluba SBB, da se o tački 11. raspravlja kao o jednoj tački dnevnog reda, s tim da se razdvoji na dva dijela dio a) i dio b).

Vijećnik Zdravko Barkić javio se za riječ i iznio stav Kluba SDP, da tačka 11. ostane jedinstvena i da se o njoj raspravlja kao o jednoj tački dnevnog reda, a da se za ubuduće dogovori metodologija izrade i podnošenja Izveštaja.

Predsjedavajući OV je konstatovao da su predložena dva prijedloga i da se o njima Vijeće treba izjasniti.

Za riječ se javio Općinski načelnik i iznio svoj lični stav da Izveštaj treba razdvojiti na dva dijela o čemu je dao i objašnjenje u kome je naglasio da Izveštaj o zdravstvenom stanju stanovnika prikazuje činjenično stanje, a da je dio Izveštaja u kome se govori o finansijskom poslovanju JU Dom zdravlja Vareš nekorektan zbog niza predradnji koje su slijedile da bi Vijeće sa zakašnjenjem dobilo Izveštaj na razmatranje.

Predsjedavajući OV stavio je na izjašnjavanje prijedlog da se tačka 11. Izveštaj o zdravstvenom stanju stanovništva i organizaciji zdravstva na području općine Vareš u 2012. godini razdvoji na dva dijela i o njoj raspravlja kao o dvije tačke dnevnog reda.

Nakon izjašnjavanja vijećnika predsjedavajući OV je konstatovao da sa **6 glasova „ZA“**, **12 glasova „PROTIV“** i **1 „SUZDRŽANIM“** glasom predloženi prijedlog nije usvojen.

Predsjedavajući OV stavio je na izjašnjavanje prijedlog da se o tački 11. Izvještaj o zdravstvenom stanju stanovništva i organizaciji zdravstva na području općine Vareš u 2012. godini raspravlja kao o jednoj tački dnevnog reda, s tim da se razdvoji na dva dijela (Izvještaj o zdravstvenom stanju i Izvještaj o finansijskom poslovanju).

Nakon izjašnjavanja vijećnika predsjedavajući OV je konstatovao da sa **3 glasa „ZA“, 12 glasova „PROTIV“ i 4 „SUZDRŽANA“ glasa predloženi prijedlog nije usvojen.**

Zaključena je rasprava i predsjedavajući OV stavio je na izjašnjavanje prijedlog dnevnog reda za 8. sjednicu OV, te nakon izjašnjavanja vijećnika konstatovao da je sa **14 glasova „ZA“ i 5 „SUZDRŽANIH“ glasova usvojen s l i j e d e ć i**

D n e v n i r e d

- 1. Verifikacija mandata i davanje svečane izjave vijećnika u Općinskom vijeću Vareš, Jasmina Salketića.**
- 2. Izvještaj o rezultatima izbora za članove Savjeta mjesnih zajednica sa područja općine Vareš.**
- 3. Prijedlog Odluke o potvrđivanju rezultata izbora za članove Savjeta mjesnih zajednica sa područja općine Vareš.**
- 4. Prijedlog Zaključka o prihvatanju Inicijative Općinskog načelnika o pokretanju postupka za izradu „Strategije razvoja poljoprivredne proizvodnje na području općine Vareš za period 2013-2018. godine“**
- 5. Nacrt Odluke o usvajanju „Strategije prema mladima općine Vareš za period juni 2013. – juni 2016. godine“, s prijedlogom Zaključka.**
- 6. Nacrt Odluke o kriterijima, načinu i postupku raspodjele sredstvima iz granta za projekte mladih koji se finansiraju i sufinansiraju sredstvima budžeta Općine Vareš.**
- 7. Prijedlog Rješenja o imenovanju Komisije za povlačenje – obnovu granične linije između šuma i šumskog zemljišta s jedne strane i poljoprivrednog zemljišta s druge strane.**
- 8. Izvještaj o radu i poslovanju JKP d.o.o. Vareš za 2012. godinu.**
- 9. Izvještaj o radu i poslovanju JP „Vareš-stan“ d.o.o. Vareš za 2012. godinu.**
- 10. Izvještaj o radu i poslovanju JP „Veterinarska stanica“ d.o.o. Vareš za 2012. godinu.**
- 11. Izvještaj o zdravstvenom stanju stanovništva i organizaciji zdravstva na području općine Vareš u 2012. godini.**
- 12. Informacija o minsko-eksplozivnim sredstvima i preduzetim aktivnostima Općine na deminiranju prostora na području općine Vareš.**
- 13. Informacija o nivou materijalno-tehničke opremljenosti i uslova u kojima rade organi mjesnih zajednica.**
- 14. Tekuća pitanja.**

Ad. 1.

(Verifikacija mandata i davanje Svečan izjave vijećnika u Općinskom vijeću Vareš, Jasmina Salketić.)

Predsjedavajući OV pozvao je Jasmina Salketić da pristupi davanju Svečane izjave.

Nakon davanja Svečane izjave Jasmin Salketić je potpisao Izjavu.

Ad.2.

(Izvještaj o rezultatima izbora za članove Savjeta mjesnih zajednica sa područja općine Vareš.)

Otvorena je rasprava i za riječ se javio vijećnik Đemo Kevrić koji je izjavio da će Klub BPS OO Vareš na današnjoj sjednici uzeti učešće prilikom izjašnjavanja o tačkama dnevnog reda, ali neće učestvovati u raspravama po tačkama dnevnog reda. U daljoj raspravi su učestvovali i iznijeli svoje primjedbe, prijedloge, sugestije i mišljenja vijećnici: Zdenko Franjić, Boško Andrić, Mario Mirčić, Jasmin Salketić, predsjedavajući OV Zdravko Marošević i pomoćnik načelnika za društvene djelatnosti i BiZ Rusmir Berberović koji je dao komentar na izlaganja vijećnika i dodatno obrazloženo za ovu tačku dnevnog reda.

Zaključena je rasprava i predsjedavajući OV stavio je na izjašnjavanje Izvještaj o rezultatima izbora za članove Savjeta mjesnih zajednica sa područja općine Vareš.

Nakon izjašnjavanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojen**

Izvještaj o rezultatima izbora za članove Savjeta mjesnih zajednica sa područja općine Vareš.

Predsjedavajući OV stavio je na izjašnjavanje slijedeći

Zaključak:

- **Obavezuje se Općinski načelnik da imenuje povjerenike u Mjesnim zajednicama Vareš i Daštansko, na period od 6 (šest) mjeseci, a da se u tom periodu obave izbori u ovoj MZ.**

Nakon izjašnjavanja vijećnika predsjedavajući OV je konstatovao da je sa **18 glasova „ZA“ i 1 „SUZDRŽANIM“ glasom usvojen predloženi Zaključak.**

Ad. 3.

(Prijedlog Odluke o potvrđivanju rezultata izbora za članove Savjeta mjesnih zajednica sa područja općine Vareš.)

Komisija za statutarna pitanja i propise na 5. sjednici održanoj 20.05.2013. godine jednoglasno je donijela slijedeće

Zaključke:

1. Komisija za statutarna pitanja i propise predlaže da se u Prijedlogu Odluke u članu 1. u četvrtom redu iza riječi „zajednica“ dodaju riječi „i to: Borovica, Brgule, Budoželje, Duboštica, Dragovići, Javornik, Kadarići, Kokošćići, Ligatići, Mir, Neprivaj, Očevija, Pogar, Pržići, Planinica, Ravne, Strica-Zaruđe, Striježevo, Stupni Do, Vareš Majdan, Vijaka i Dabravine“, ostali tekst ostaje isti, te je kao takvu upućuje Vijeću na razmatranje.
2. Komisija za statutarna pitanja i propise predlaže da OV donese Zaključak kojim će se ovlastiti Općinski načelnik da imenuje Povjereništvo u mjesnim zajednicama u kojima nisu sprovedeni izbori za članove Savjeta mjesnih zajednica sa područja općine Vareš.
3. Komisija za statutarna pitanja i propise smatra da je potrebno da se pristupi izradi dopune Statuta općine Vareš u dijelu koji se odnosi na sprovođenje izbora u Mjesnima zajednicama, odnosno regulišu pitanja kada se nisu mogli sprovesti izbori u mjesnim zajednicama.

Predlagač je prihvatio prijedloge, odnosno zaključke Komisije.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove Savjeta mjesnih zajednica sa područja općine Vareš.

Nakon izjašnjavanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojena**

Odluka o potvrđivanju rezultata izbora za članove Savjeta mjesnih zajednica sa područja općine Vareš.

Ad. 4.

(Prijedlog Zaključka o prihvatanju Inicijative Općinskog načelnika o pokretanju postupka za izradu „Strategije razvoja poljoprivredne proizvodnje na području općine Vareš za period 2013-2018. godine“.)

Otvorena je rasprava u kojoj je ovlašteni predlagač Općinski načelnik Avdija Kovačević dao obrazloženje za ovu tačku dnevnog reda.

Zamjenica predsjedavajućeg OV nastavila je sa vođenjem današnje sjednice.

Zaključena je rasprava i zamjenica predsjedavajućeg OV stavila je na izjašnjavanje Prijedlog Zaključka o prihvatanju Inicijative Općinskog načelnika o pokretanju postupka za izradu „Strategije razvoja poljoprivredne proizvodnje na području općine Vareš za period 2013-2018. godine“.

Nakon izjašnjavanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojen**

Zaključak o prihvatanju Inicijative Općinskog načelnika o pokretanju postupka za izradu „Strategije razvoja poljoprivredne proizvodnje na području općine Vareš za period 2013-2018. godine.

Predsjedavajući OV nastavio je sa vođenjem današnje sjednice.

Ad. 5.

(Nacrt Odluke o usvajanju „Strategije prema mladima općine Vareš za period juni 2013. – juni 2016. godine“, s prijedlogom Zaključka.)

Komisija za statutarna pitanja i propise na 5. sjednici održanoj 20.05.2013. godine jednoglasno je donijela slijedeći

Zaključak:

- **Komisija za statutarna pitanja i propise nema primjedbi na Nacrt Odluke o usvajanju „Strategije prema mladima općine Vareš za period juni 2013. – juni 2016. godine“, s tim da se u Nacrtu urade tehničke ispravke, te je upućuje Vijeću na razmatranje.**

Predlagač nije imao dodatno objašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Nacrt Odluke o usvajanju „Strategije prema mladima općine Vareš za period juni 2013 – juni 2016. godine, s prijedlogom Zaključka.

Nakon izjašnjavanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojen**

Nacrt Odluke o usvajanju „Strategije prema mladima općine Vareš za period juni 2013. - juni 2106. godine i

Zaključak:

- 1. Utvrđuje se Nacrt dokumenta „Strategija prema mladima općine Vareš za period juni 2013.-juni 2016. godine.**
- 2.Nacrt akta iz tačke 1. ovog Zaključka, upućuje se na Javnu raspravu u trajanju od 30 dana.**
- 3. Zadužuje se Općinski načelnik i Služba za društvene djelatnosti i BiZ da pripremi i provede Javnu raspravu u skladu sa aktima Vijeća.**
- 4. Prijedlozi i sugestije u toku Javne rasprave, predlagač će uzeti u razmatranje kod izrade prijedloga akta.**
- 5. Po završenoj Javnoj raspravi, predlagač će sačiniti Prijedlog akta i Izvještaj o provedenoj raspravi i dostaviti Vijeću na razmatranje.**
- 6. Zaključak stupa na snagu danom donošenja.**

Ad.6.

(Nacrt Odluke o kriterijima, načinu i postupku raspodjele sredstvima iz granta za projekte mladih koji se finansiraju ili sufinansiraju sredstvima budžeta Općine Vareš.)

Komisija za statutarna pitanja i propise na 5. sjednici održanoj 20.05.2013. godine jednoglasno je donijela slijedeći

Zaključak:

- **Komisija za statutarna pitanja i propise nema primjedbi na Nacrt Odluke o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima budžeta Općine Vareš, te je upućuje Vijeću na razmatranje.**

Predlagač nije imao dodatno objašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Nacrt Odluke o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima budžeta Općine Vareš.

Nakon izjašnjavanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojen**

Nacrt Odluke o kriterijima, načinu i postupku raspodjele sredstvima iz granta za projekte mladih koji se finansiraju i sufinansiraju sredstvima budžeta Općine Vareš.

Ad. 7.

(Prijedlog Rješenja o imenovanju Komisije za povlačenje-obnovu granične linije između šuma i šumskog zemljišta s jedne strane i poljoprivrednog zemljišta s druge strane.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za povlačenje-obnovu granične linije između šuma i šumskog zemljišta s jedne strane i poljoprivrednog zemljišta s druge strane.

Nakon izjašnjavanja vijećnika predsjedavajući OV konstatuje da je **jednoglasno usvojeno**

Rješenje o imenovanju Komisije za povlačenje - obnovu granične linije šuma i šumskog zemljišta s jedne strane i poljoprivrednog zemljišta s druge strane.

Ad.8.

(Izvještaj o radu i poslovanju JKP d.o.o. Vareš za 2012. godinu.)

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Zdravko Barkić, Mario Mirčić, Tajiba Brkić i Općinski načelnik koji je u svom obraćanju izjavio da Jedinostveni općinski organ je stava da Vijeće treba da prihvati Izvještaj o radu i poslovanju uz određene sugestije Skupštini, Nadzornom odboru i menadžmentu JKP d.o.o. Vareš, da se u narednom periodu kroz izradu ovakvih izvještaja, određene stvari dorade i o njima je upoznao prisutne. Također je odgovorio na postavljena pitanja vijećnika u raspravi i predložio ispred općinskog organa da Vijeće prihvati Izvještaj sa iznesenim kratkim primjedbama i sugestijama i da bi ovaj Izvještaj trebao da bude na neki način, po njegovom mišljenju, i primjer dobrog rada u proteklom periodu.

Zaključena je rasprava i predsjedavajući OV stavio je na izjašnjavanje Izvještaj o radu i poslovanju JKP d.o.o. Vareš uz iznesene primjedbe i sugestije, koje je ispred organa općine iznio Općinski načelnik.

Na osnovu vođene rasprave predsjedavajući OV uz Izvještaj, stavio je na izjašnjavanje i slijedeći

Zaključak:

- **Zadužuje se Općinski načelnik da sa menadžmentom JKP d.o.o. Vareš, iznađe rješenje vezano za sudske sporove između JKP d.o.o. Vareš i Općine Vareš.**

Nakon izjašnjavanja vijećnika predsjedavajući OV je konstatovao da je sa **16 glasova „ZA“ i 3 glasa „PROTIV“ usvojen predloženi Zaključak i prihvaćen**

Izveštaj o radu i poslovanju JKP d.o.o. Vareš za 2012. godinu.

Ad. 9.

*(Izveštaj o radu i poslovanju
JP „Vareš-stan“ d.o.o. Vareš za 2012. godinu.)*

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Zdravko Barkić, Mario Mirčić, predsjedavajući OV Zdravko Marošević, Općinski načelnik Avdija Kovačević koji je predložio Vijeću da jedinstveno ne usvoji Izveštaj iz razloga toga što je preduzeće u poslovnoj 2012. godini ostvarilo negativan gubitak, i da predloži se da se hitno pristupi kadrovskoj i svakoj drugoj unutrašnjoj restruktiji preduzeća koji će za posljedicu dati da definitivno ovo preduzeće dobije jedan novi zamajac sa potpuno novim kadrovskim rješenjem i u menadžmentu, Nadzornom odboru i Skupštini preduzeća, kako bismo mogli da odgovorimo izazovima vremena i potrebama naših korisnika.

Za riječ se javila direktorica preduzeća Željka Petrović i iznijela svoje mišljenje u vezi izlaganja Općinskog načelnika i probleme sa kojima se preduzeće susreće u svom radu, te dala odgovora vijećniku Zdravku Barkić na pitanje postavljeno u raspravi.

U daljnjoj raspravi su učestvovali vijećnik Asmir Čizmo, predsjedavajući OV i direktorica Željka Petrović koja je dala odgovore vijećniku Asmiru Čizmi na postavljena pitanja u raspravi.

Zaključena je rasprava i predsjedavajući OV stavio je na izjašnjavanje Izveštaj o radu i poslovanju JP „Vareš-stan“ d.o.o. Vareš za 2012. godinu.

Nakon izjašnjavanja vijećnika predsjedavajući OV konstatovao je da je sa **11 glasova „ZA“ i 8 glasova „PROTIV“ prihvaćen**

Izveštaj o radu i poslovanju JP „Vareš-stan“ d.o.o. Vareš za 2012. godinu.

Ad. 10.

*(Izveštaj o radu i poslovanju
JP „Veterinarska stanica“ d.o.o. Vareš za 2012. godinu.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o radu i poslovanju JP „Veterinarska stanica“ d.o.o. Vareš za 2012. godinu.

Nakon izjašnjavanja vijećnika predsjedavajući OV konstatuje da je sa **18 glasova „ZA“** i **1 „SUZDRŽANIM“ glasom prihvaćen**

***Izveštaj o radu i poslovanju
JP „Veterinarska stanica“ d.o.o. Vareš za 2012. godinu.***

Predsjedavajući OV dao je pauzu u trajanju od 45 minuta.

Nastavljeno je sa radom današnje sjednice.

Ad. 11.

*(Izveštaj o zdravstvenom stanju stanovništva i organizaciji
zdravstva na području općine Vareš u 2012. godini.)*

Za riječ se javio predsjednik Upravnog odbora JU Dom zdravlja Vareš dr. Edhem Aščerija i dao dodatno objašnjenje za ovu tačku dnevnog reda i upoznao prisutne sa radom javne ustanove i problemima sa kojima se susreće u svom radu.

Otvorena je rasprava u kojoj su postavili pitanja i iznijeli svoje prijedloge, primjedbe, sugestije i mišljenja: vijećnik Jasmin Salketić, predsjedavajući OV Zdravko Marošević i Općinski načelnik Avdija Kovačević koji je zatražio od predsjedavajućeg OV da kod definisanja zaključaka po ovom Izveštaju o radu, oni budu razvrstani u tri dijela i to:

1. Izjašnjavanje o samo statističkom dijelu Izveštaja o zdravstvenom stanju stanovništva i organizaciji zdravstva na području općine Vareš
2. Izjašnjavanje o finansijskom poslovanju JU Dom zdravlja Vareš za period I-XII/2012. godine
3. Izjašnjavanje o našem prijedlogu mjera (odnosi se na hitnu rekonstrukciju javne ustanove, Upravnog odbora i menadžmenta ustanove), o čemu je dao i obrazloženje i naveo razloge, te izjavio da od Vijeća očekuje da ne prihvati Izveštaj o finansijskom poslovanju JU Dom zdravlja Vareš za period I-XII/2012. godine

Predsjedavajući OV dao je pauzu u trajanju 10 minuta radi konsultacija u Klubovima o prijedlogu Općinskog načelnika.

Nastavljeno je sa radom današnje sjednice.

Nije bilo učesnika u daljnjoj raspravi i predsjedavajući OV stavio je na izjašnjavanje prijedlog **Zaključka**

1. **Izjašnjavanje o samo statističkom dijelu Izveštaja o zdravstvenom stanju stanovništva i organizaciji zdravstva na području općine Vareš u 2012. godini.**

Nakon izjašnjavanja vijećnika predsjedavajući OV konstatuje da sa **7 glasova „ZA“** i **11 glasova „PROTIV“ nije usvojen predloženi Zaključak.**

Predsjedavajući OV stavio je na izjašnjavanje prijedlog **Zaključka**

2. **Izjašnjavanje o finansijskom poslovanju JU Dom zdravlja Vareš za period I-XII/2012. godine.**

Nakon izjašnjavanja vijećnika predsjedavajući OV konstatuje da sa **7 glasova „ZA“** i **11 glasova „PROTIV“ nije usvojen predloženi Zaključak.**

Predsjedavajući OV konstatovao je da se Vijeće neće izjašnjavati o prijedlogu Zaključka koji se odnosi na prijedlog mjera (prijedlog br. 3.) s obzirom da nisu usvojeni prijedlozi Zaključaka pod brojem 1. i 2.

Za riječ se javio vijećnik Zdravko Barkić i u svom izlaganju predložio da se Vijeće izjašnjava o Izvještaju u formi kako je i dostavljeno a da se pokuša preko delegata u Skupštinama postavi pitanje o svim problemima koji se javljaju u ovim ustanovama.

Za riječ se javio vijećnik Mario Mirčić i iznio stav Kluba Hrvatske koalicije, da će Klub glasati za Izvještaj u formi u kakvoj je i dostavljen Vijeću.

Zaključena je rasprava i predsjedavajući OV stavio je na izjašnjavanje Izvještaj o zdravstvenom stanju stanovništva i organizaciji zdravstva na području općine Vareš u 2012. godini.

Nakon izjašnjavanja vijećnika predsjedavajući OV konstatuje da je sa **12 glasova „ZA“ i 1 glasom „PROTIV“ prihvaćen**

Izvještaj o zdravstvenom stanju stanovništva i organizaciji zdravstva na području općine Vareš u 2012. godini.

Ad. 12.

(Informacija o minsko – eksplozivnim sredstvima i preduzetim aktivnostima Općine na deminiranju prostora na području općine Vareš.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o minsko-eksplozivnim sredstvima i preduzetim aktivnostima Općine na deminiranju prostora na području općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

Informacija o minsko-eksplozivnim sredstvima i preduzetim aktivnostima Općine na deminiranju prostora na području općine Vareš.

Ad. 13.

(Informacija o nivou materijalno-tehničke opremljenosti i uslova u kojima rade organi mjesnih zajednica.)

Otvorena je rasprava u kojoj su svoje prijedloge i mišljenja iznijeli: vijećnik Jasmin Salketić, predsjedavajući OV Zdravko Marošević i pomoćnik načelnika Rusmir Berberović.

Vijećnik Jasmin Salketić u svom izlaganju predložio je da nadležne službe organa uprave u roku od 90 dana pripreme jedinstvenu metodologiju po pitanju Izvještavanja i uputstva po pitanju kancelarijskog poslovanja ili eventualne edukacije o posebnom vođenju finansija u organima mjesnih zajednica.

Za riječ se javio Rusmir Berberović pomoćnik načelnika i izjavio ispred predlagača da prihvata prijedlog vijećnika Jasmina Salketića.

Predsjedavajući OV je konstatovao da je ovlašteni predlagač prihvatio predloženi prijedlog kao Zaključak.

Zaključena je rasprava i predsjedavajući OV stavio je na izjašnjanje Informaciju o nivou materijalno-tehničke opremljenosti i uslova u kojima rade organi mjesnih zajednica.

Nakon izjašnjanja vijećnika predsjedavajući OV konstatuje da je sa **17 glasova „ZA“ i 1 glasom „PROTIV“ usvojena**

Informacija o nivou materijalno-tehničke opremljenosti i uslova u kojima rade organi mjesnih zajednica.

Ad. 14.

(Tekuća pitanja.)

1. Predsjedavajući OV obavijestio je prisutne o dostavljenom Rješenju Centralne izborne komisije Bosne i Hercegovine kojim nije data suglasnost na Rješenje o imenovanju člana Općinske izborne komisije Vareš broj: 01-124/13 od 25.04. 2013. godine.
2. Općinski načelnik izvijestio je prisutne, predsjednike političkih stranaka i javnost da će u toku naredne sedmice pokrenuti Inicijativu prema predsjednicima političkih stranaka, da s ciljem racionalizacije troškova rada, političke stranke razmotre i shodno normativnim aktima, na jednoj od narednih sjednica OV se donesu određeni zaključci koji će podrazumijevati slijedeće:
 1. Da se ubuduće sjednice Vijeća održavaju neradnim danom (subota ili nedjelja).
 2. Da se razmotri mogućnost, da se sjednice Vijeća održavaju svaka dva mjeseca, a ukoliko se ukaže potreba za nekom hitnom ili vanrednom intervencijom (uz pretpostavku da se opredijelimo za reduciranje održavanja sjednica), da se uz suglasnost Kolegija OV zakaže vanredna sjednica.
 3. Prilikom održavanja komisija radnih tijela Općinskog vijeća i sjednica OV u toku radnog vremena, a čiji su članovi i vijećnici zaposlenici organa uprave Općine Vareš, ne mogu primati naknadu za rad po dva osnova.
3. Rusmir Berberović pomoćnik načelnika za društvene djelatnosti i BiZ upoznao je prisutne o dostavljenom dopisu za pokretanje Inicijative za izmjene i dopune Zakona o transplantaciji organa i tkiva u cilju liječenja. Dopis je dostavljen od strane Udruženja dijaliznih bolesnika Zeničko-dobojskog kantona.

Predsjedavajući OV je predložio je i stavio na izjašnjanje slijedeći

Zaključak:

- **Prihvata se Inicijativa Udruženja dijaliznih bolesnika ZDK, za pokretanje Inicijative za izmjene i dopune Zakona o transplantaciji organa i tkiva u cilju liječenja „Službene novine FBiH“, broj: 75/09.**

Nakon izjašnjanja vijećnika predsjedavajući OV konstatuje da je **jednoglasno usvojen predloženi Zaključak.**

4. Za riječ se javio vijećnik Zdravko Barkić i dao komentar u vezi dostavljenih Informacija od strane Kantonalne direkcije za ceste na osnovu dopisa Općinskog načelnika broj: 02-485/13 od 29.04.2013. godine i stanja održavanja regionalnih puteva na području općine Vareš. Predložio je da Općinski načelnik uputi dopis Ministarstvu za promet i komunikacije ZDK ili Vladi ZDK u kome bi skrenuo pažnju

na procedure sklapanja ugovora o održavanju puteva i na neracionalnost u trošenju sredstava na održavanju regionalnih puteva na području općine Vareš.

U daljoj raspravi učestvovao je vijećnik Mato Pavić koji je skrenuo pažnju na dionicu regionalnog puta koja je asfaltirana prošle godine i na kojoj su se već pojavila oštećenja, te dio puta do sela Ivančeva koji se nije održavao a na njemu se nalazi dosta kamenja. Mišljenja je da bi se u dopisu o kojem je vijećnik Barkić Zdravko govorio u svom izlaganju, trebala naći i ova primjedba.

Za riječ se javio Općinski načelnik i dao komentar na izlaganje vijećnika i podsjetio prisutne o poduzetim aktivnostima na rješavanju problema u vezi održavanja regionalnih puteva i stanja na istim.

Vijećnik Nikola Šimić izvijestio je Vijeće i javnost o stanju puta prema naselju Osredak, te zatražio od Općinskog načelnika da nadležni iz Općine izvrše obilazak puta kako bi se utvrdilo činjenično stanje.

Predsjedavajući OV dao je komentar u vezi izlaganja vijećnika i Općinskog načelnika i upoznao prisutne o aktivnostima koje je pokrenula MZ Vijaka, a u vezi stanja i održavanja puteva na području općine Vareš.

Vijećnik Zdravko Barkić javio se za riječ i dao komentar na izlaganje Općinskog načelnika.

Sastavni dio ovog Zapisnika je audio zapis sjednice.

Sjednica je završena u 13 sati i 12 minuta.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević